



東江詩鈔卷第十

太倉唐孫華實君橐

—— 受業陸

師巢

雲編

苦寒次和陸匪莪侍御

不堪垂老遇屯遭
葦戶蕭條歲暮天
豈有大裘遮比屋
直將小劫抵災年
心如灰燼難生燄
愁比膏明只自煎
試向南榮嚙朝日
可能餘煖入丹田

戊子元旦

改歲仍餘料峭寒
雙扉合閉一泥丸
傷時但有三緘穩
避客多因再拜難
過眼光陰如夢寐
關心問井望平安
但看椒酒盈樽渌
俯仰悠然丈室寬



宿雨初收旭景曠紅箋帖子燦千門荒餘共冀天心轉
詔下群靈 聖主恩騎竹諸孫歡日暇杖藜一老望春
溫風雲早卜今秋稔禾麥行看綠滿村史記天官書元旦宜終日有風
有雲
有日

元旦次和隨菴韻

滄江無恙一詩翁杜老何妨左耳聾樽酒今朝仍綠蟻
燈花昨夜綴金蟲海天長駐蓬萊日里井虛傳草木風
自是高賢安澹泊無煩咄咄更書空

贈商州丞

名奕銓會稽人州同知

紛紛胥篋與揆丸白晝公然敢揭竿收縛潛教篝火熄
干掇常犯曉霜寒民生事大須憑膽保障材高不論官

獨賴老謀能鎮靜閭閻稍喜得麗安

偏從佐治守官箴解舍蕭閒事不侵殊績敢邀憲府薦
獨清聊盡小臣心終年未飽侏儒粟昏夜頻麾伯起金
自信生平無諛語和歌也愛邑中黔

隨菴先生贈周礫圃藤杖礫圃喜動顏色杖以過
余索詩為贈

石礫蟠千尺蒼藤瘦一莖賜逾靈壽重攜比樂全東坡

以鐵拄杖贈遇友斯須駐尋花自在行華陽筇竹賚珍

重故人情見陶弘景十賚文

憐爾躑躅久終朝走道途但令雙屐穩不歎獨行孤得
自高人贈如添健僕扶百錢容易挂隨意問黃壚

視張彤友病時已不能食

故舊淪亡感逝川豈知君病又沉綿素交何處尋遺老
未契終難託少年平日愁無十斛米今朝却厭一匙膾
可憐執手牀頭別屈指光陰倍黯然

春雨

滴瀝愁聞暮復朝坐穿木榻思無聊尚餘朔氣留葭管
終待和風變柳條花爲經寒含未吐雪因帶雨落旋消
半生苦向忙中過到得閒時轉寂寥

汪見三新移溪亭書室次韻

迴廊窈窕碧欄斜岫幌雲關面水涯不用尋春頻繞樹
愛看倒影一池花

雀羅門巷晝常閒獨許詩人數往還留得弁園妝半面
屋邊流水樹頭山

日暖銀塘散曉煙好花如睡柳如眠牀頭吹落殘書卷

無那春風太放顛

杜詩曉來急
雨春風顛

春日陸匪莪侍御攜樽約諸老友同遊東園

爲憶名園好經過不厭頻山蹊行處熟風景到來新春
動禽魚樂林淡岫壑眞巾車何用駕勝地是東鄰
暫借精廬憩峰西梵閣偏爐煙飄翠樾幡影落紅泉邃
壑閒僧得藤牀醉客眠自嫌心地雜難入遠公禪

發粟行

去年丁亥逢旱災良田圻裂成荒萊芋羹豆飯苦不給

紛紛填壑真堪哀 聖慈蠲賑恩邁古詔下歡涌聲如
雷江南歲漕減半額我州得留三萬石假令給散盡飢
民何難立起溝中瘠無如鼠雀會分肥官吏交通恣侵
食胥徒里長喜揚揚挨戶排門寫飢冊青錢入手始書
名大半空名點鬼籍官符火急催租忙鞭笞流血盡成
瘡大斛徵收小斛出強半已自歸私囊村民持票蹋城
闕扶攜百里支官糧十日五日不得發忍飢垂橐仍還
鄉空使黔婁盡僵路誰如汲黯便開倉即有窮民沾斗
粟剋減餘存無好穀官侵踰萬吏累千無限奸豪各滿
欲盡奪飢民糊口饘飽充若輩燃臍腹可憐賑富不賑
貧官吏歡呼窮戶哭初聞 恩命盡欣欣千載遭逢堯

舜君竟使官糈飫饕餮 詔書挂壁徒空文嗚呼災民
有苦向誰訴天門詖蕩何由聞

張汝貽招同諸友得月樓看梅

傑閣憑臨綺樹平紛披入眼亂瑤瓊初停宿雨如含露
薄護輕雲略放晴華月未升香雪皎斜陽微照玉鱗明
春愁黯黯方無那裁對名花意便傾

連朝微霰似絲飛勝引移期願不違美景漸迴寒乍減
霜枝無恙雨偏肥杖藜客竝春風到夢草人逢花信歸

慶餘新
自蜀歸

帶醉巡檐餘興健更穿竹徑覓芳菲

訪懷先
所居

送周序三廣文之官宿松

棲遲莫悵廣文寒觸目風波吏道難宦興蕭疎宜薄俸

世塗荆棘羨閒官喜無案牘千重積况有雲山四面看
贈策繞朝無別語臨行惟是祝加餐

喜張慶餘遠歸

元瑜書記自翩翩席帽輕衫躍錦韉鄉里看人嫌面目
征途豁眼有山川去如重耳辭家日歸似蘇卿返國年

慶餘在外一十有九年知是惠連頻入夢一樽重得話花前

同飲汝貽

樓上

江陰有劉伶墓按晉書本傳伶本沛國人何緣墓
在江陰蓋流俗傳譌耳陸侍御匪莪有詩予亦戲

和一首

五斗先生不愛醒何緣孤塚傍江汀阮嵇同散林間髮

賈郭閒看水上萍

酒德頌萬物擾擾若江海之載浮萍

惟有捧罌堪玩世

豈隨荷鍤便埋形猶嫌不葬陶家土化作人間盛酒餅

吳鄭泉臨卒曰必葬我陶家之側庶百歲後化而成土幸見取為酒壺獲我心矣見吳志裴註

同王冰菴太守遊虎丘

新晴曉色照樓臺碧柳紅桃夾路栽紫玉香魂餘斷磧

黃池霸氣冷沉灰當年花雨生公席異代風流短簿才

別鎖蒼琅珍館闕三春留待翠華來

嬾扶衰病歷孱顏不厭頻過是此山地為人稠多點綴

客因峰近好躋攀稍嫌遮眼朱樓迴獨愛憑欄翠陌閑

偶駐蘭橈裁半日悠悠悔趁晚潮還

同憲尹步至虎丘後禪院觀玉蘭花

緣坡動流矚玉樹森百尺覓徑入禪扉幽芬襲几席婆
娑一院陰照耀半巖白託根蒼藟林幸免劫火厄其初
本一株若雷斧擘灼爍映講堂枝撐倚立石腹朽如
空瓠榦挺如貞柏含如玉筍苞開如井蓮坼烏剝與蟲
穿吐萼轉鮮澤不受游塵緇平鋪截肪璧朝光亂晴雲
夜影蕩皓魄傳聞植宋代歷年凡五百訶護似有神就
視敢輕摘年年看花人雜沓交履舄花枝逐歲新人生
但如客花閱人往來更換猶傳驛吾儕各長年流光真
可惜不知日後來復煩幾兩屐

寄題甫里先生祠

東南奧區稱笠澤交匯衆水流洄漩湖山環匝地靈秀

異代往往生名賢甫里先生挺唐季鬱林廉石家風傳
從仕不屑蘇湖佐讀書獨邃春秋編維時有唐丁未造
鳳鳥高逝鴉騰騫闔宦乘機竊魁柄強藩互噬紛戈鋌
衣冠禍至竝焦爛皆由頭上貪貂蟬先生脫屣塵埃外
宅邊讓水兼廉泉唱訓賴有皮從事筆牀茶竈相周旋
曲池常養人言鴨釣艇時引槎頭鱖每愛茗芽出顧渚
獨愁急雨沉湖田下視軒裳等糞土身超世網真神仙
彼哉群小六臣輩如蛾赴火蠅逐羶豈若先生保明哲
一竿投老江湖邊我昔扁舟過甫里漁村蟹舍環清川
柳毅神祠日賽禱天隨遺跡空茫然近聞廟祀重整頓
溪毛蘓藻能修虔清風亭子白蓮院不隨宿莽埋荒煙

先生有靈如可作我願相隨和扣舷

哀群盜

時南浙有大獄捕索妖僧一念甚急

化日舒長萬國春可憐蛾賊自亡身菜傭妄想分黃札
牧豎居然秣絳巾豈有泉鳩藏帝子虛傳海島應盧循
歐刀狼籍真無謂空使山棚客笑人

唐中岳寺僧圓淨結山棚勇士爲亂

見唐書呂元膺傳

共道孤城漸合圍村坊白日駭旌旂但誇身手時無敵
誰料頭顱夜欲飛卉服臬袍裝鎧甲神鉦社鼓作軍威
紛紛結聚皆兒戲似戲何當觸禍機

雙鳳友人數舉詩會戲示四絕句

莫讀唐詩便賦詩拾來竹馬不堪騎水流花落春禽語

總是當前絕妙詞

無窮書卷總膏腴珍食尋求市上無餅肆漿家成底物
給鮮須出大官廚

休將剽竊作生涯醞釀詩書氣自華譬似遊蜂採花去
蜜成何處更尋花

顏謝才華並絕倫微分高亞只風神鏤金錯采非容易
那及芙蓉映日新

病中對雨

重陰晝夜苦淒淒雲壓茅檐水拍堤一片沈波喧吠蛤
五更長晦誤鳴雞牀牀屋漏頻移席處處牆傾半露棲
彌望溝塍成巨浸行人誰辨路東西

一月都無兩日晴坐聽簷溜厭瓊瑤洪流忽訝憑空湧
曦曜偏從何處明葉底涼蟬啞不語枝頭乾鵲寂無聲
自憐懷抱長伊鬱帶霧蒙煙過此生

輓王隨菴先生

好學表遺老更勤松牕蘇壁足清芬才名共擬鄭三絕
翰札爭誇顧八分窮借文章消歲月閒將絹素寫煙雲
眼前耆宿皆零落詩壘憑誰壯一軍

風流前輩是吾師樽酒招邀每不辭氣味祇因文字合

追陪已恨暮年遲新篇初就頻相示舊學都忘愧質疑

先生每讀書有疑輒手錄下問未病前數日讌集小齋分韻賦送春詩二章遂為絕筆觴咏草堂裁幾日一生絕筆送春詩

題張慶餘煙舫集後

急裝縛袴日馳驅文檄常供十吏須幕府清秋詩興在
休將書記比元瑜

北地沉雄南國清從來文士互譏評誰知江左風流客
仍帶悲歌燕趙聲

山川極目覽神州漢寢唐陵禾黍秋銅狄淒涼家國恨
可知平子善言愁

徙邊婦 有序

里中狂賊三十餘人以罪見法妻子皆徙極邊株
送之日婦孺相攜慟哭過市路人皆哀之予為作
詩

蕭何制法律婦女無嚴條獨有從夫刑死生無所逃哀
此裙襦輩孽尤非已招失身落狂且飲博恣遊教酒食
偶見誘兒戲張旂旒豈知櫻重僂不保領與腰身既死
都市家當徙并遼幸免門屋誅寬恩荷 聖朝生小不
出門何由識邊徼一朝見收捕魄喪精魂消爺孃走相
送牽袂羣號咷尚有懷中兒哺乳不忍拋亦有韶年婦
織步頗嬌嬈背人拚面啼飛蓬首不膏仰呼蒼蒼天慟
哭秋雲高縱使烏頭白無由返江臯律非陰訟輕罪異
春橐勞遼水杳茫茫萬里程途遙雪花大如掌寒風利
於刀骨向窮沙埋齒為野火燒婦人豈預謀薄命隨所
遭寧嫁窶人子食糠且舖糟禽鳥各有匹養雛得安巢

雙飛慎求偶勿逐獍與梟

秋感

隴畔疎蕪早輟耕一年無復望西成千家敗屋容船入
四野涼雲共水平天外高風催雁陣樹頭寒雨壓蟬聲
銀河傾瀉渾無極綿歷三時不肯晴

余與匪莪侍御同日病瘡戲簡

與君忝同年境遇異苦樂君齒甫踰艾精神正矍鑠吾
衰亦已久鬢髮日凋落攝生勞逸殊願養豐儉各胡為

八月朔疔疾並時作

左傳註
疔瘡也

樂事獨我遺苦境若相約

聞君染患輕瞥過無停泊惟余最沉綿憑陵恣威虐隔
日脂髓按竟夕夢魂噩忽如墜層冰撼牀振鈴鐸忽如

陷爐炭著體沸煎灼陰陽遞乘除水火俄激薄吾聞爾
瘡鬼祖父良不惡雖為顛頊裔傲狠遭黜削中土不汝
容瘴水潛棲託偏乘高秋時跳踉騁一脚頗懾柱史威
欺余退叟弱炎涼類人情顧盼分前却吾將命符師丹
篆勅收縛沃汝以桃湯束汝以葦索兩家各清安二豎
逃冥漠同看中秋月舉杯對寥廓

戊子南闈榜發吾鄉竟無一人蓋從來所未有也

詩以歎之

秋雲漠漠黯鄉閭仙桂天邊望又虛充賦有期循故事
策名無分上公車臨時眼暗三條燭平日塵封一束書
孤負家人勞夢想寂寥依舊返窮廬

澶漫平沙出鉅公吾鄉文譽盛江東弁洲物望龍門峻
復社交遊鶴蓋通地氣何曾移岸谷人材直是少英雄
陳詩竟欲淪曹鄴殊媿泱泱大國風

次韻張蒿園病中作

襤被連朝朔氣清窮冬蕭索轉難禁橫流吳地惟看水
翹首秦天不雨金秦時雨金標陽歲月况當適盡日飛騰無復

壯年心室中長物曾何有檢點猶餘挂壁琴

蕭蕭木葉早辭柯急景真如馬騫坡熱客怕逢飛蓋至

窮交且喜杖藜過耳鳴不為勤勞得作勞耳鳴見坐痺

翻欣暇豫多人世彭殤竟何別雙丸跳轉自由他

匪莪招飲北廬次蒿園韻

十月霜風未入筵，輕雲淡日似春天。方池魚靜平涵月，老樹鴉棲暝帶煙。落葉半依苔砌積，野花多雜槿籬編。自慚小戶辭深爵，酒味何知辨聖賢。

壽同年張春所學博

桂林同籍憶當年，才命相妨老鄭虔。得祿暫充博士席，到官仍泛孝廉船。巡檐薙草看雙檜，補屋牽蘿就一椽。迴首燕臺甘息駕，蕭齋坐對各華顛。

詞賦聲華擅兩京，文章江左重張衡。好官自要爭年少，講席終須用老成。荒砌雨多蒼蘚合，春池水暖碧芹生。是非不到談經署，卿相長安看弈枰。

壽陸次公別駕

偶然鴻爪宦游蹤，早占青山烏目峰。翠黛放歸身蕭灑，緇僧留語坐從容。陶潛記裏秦人洞，秦系庭前晉代松。忽聽燕臺馳信至，風雷漸躍許淵龍。

朝衫久卸別鷓行，陸展猶然鬢未蒼。鶴背身輕步履便，龍鱗樹老歲華長。尚多酬應交游在，難免經營善事忙。不信春秋亞劉鄭，風流可入少年場。香山七老會劉真鄭據皆年踰八十

佛日同胡馭洲蒼期舍弟震侯集雪公禪室

小橋通曲徑，幽賞入精藍。豆莢嘗新美，旗槍試茗甘。道風諸刹應，佛日老夫貪。杜詩老夫貪佛日若許從聽法，還來結草菴。

開河行

朝開河暮開河要令斥鹵回盤渦朝點夫暮點夫里胥
追捕如亡逋當今 聖主仁如天濬河本為利農田興
作兼存救荒計鳩工盡發水衡錢嗟此河夫多菜色晨
餒何能待日昃五月官錢半未頒爾有肉糜從爾食千
畝萬鍤聽鼙鼓三丈河身八尺土不辭霑體遍塗泥可
奈淋頭逢凍雨樹上愁看逐婦鳩桑間已有催耕扈歷
久河工未告成農事匆忙漸旁午縱得青錢給一餐待
舖不救妻孥苦更遭官長日巡功箠撻疲民恣訶怒非
關民力怠工程自為皇天不肯晴未看翠毯盈疇濶早
見紅榴照眼明尚作官身繫河上何時壠畔得歸耕昔
聞周夏兩名臣周文襄公忱夏忠靖公原吉疏濬川渠決滯堙遍從

水道訪曲折輕舟屏從泊河濱時入茅檐諮利病村農
共許話艱辛澤被東南三百載到今功德未全湮嗚呼
大賢久不作爾曹誰復知經綸今日河夫盡斃獨背似
土牛耐鞭扑幾回持橐請官糧官糧早飽官胥腹重腿
方憂疫癘生獨漉水淡泥又濁自是農夫性命輕誰能
久候官倉粟但願功成早放歸急向田間叱黃犢

逐疫鬼

仍歲罹旱潦民物皆凋枯害氣蒸疫癘比戶遭毒痛蚩
氓信機祥安問扁與盧謂逢梧丘鬼爭謁桑田巫巫言
神譴怒性命在須臾賣我粟與布典我裳與襦亟往市
酒肉人鬼恣啜舖送巫方出門已聞升屋呼猶言祈賽

遲神心終不愉不悟老巫詐惟咎失緩圖憐此一日禱
早廢十畝租疑心畏瞰室眩目見張弧臺駘豈爲祟夔
罔爾何需奔走譁伯有叫譟驚良夫豈真山鬼靈實由
民俗愚吾聞神正直水旱有崇零索食嘔泄間此理誠
已誣壽命乃由天運盡歸黃墟鬼豈能勝天天闕殲無
辜詎無麴卿効亦有長房符厲階首巫覡收縛投江湖
游光及野仲惡鬼名見張衡東都賦次第行天誅桃湯遍灑濯葦
索任鞭驅蒼生得妥帖萬物咸昭蘇

夏日雜言

雙丸迅景任推移又是恢台盛夏時樹底涼生風剪剪
日邊雲過雨絲絲紅塵席帽馳驅罷清簟方牀坐臥宜
老去光陰須愛惜殘陽西下莫嫌遲
三徑蕭條斷往還不材只合任癡頑櫟生山曲終能老
蘭植門邊恐被刪人世坦途無過拙貧家生計莫如慳
廉泉讓水平安地消受餘生一味閒

喜雨

飢者思得食病者思得生兩年逢旱潦斗米如瑤瓊今
年蒔種早仰望足香秔如何日杲杲值此一月晴禾苗
雖未槁農夫已心驚亞旅半空腹採掘及蕪菁飢荒生
癘疫輾轉纏疲氓甘雨倘後期良田應輟耕幸及六月
杪豐隆忽發聲陽烏竟潛翳陰鳥已和鳴山雲旣樓起
凍雨旋盆傾高下竝沾漑溪壑皆渟泓庶使飢腸慰亦

令病體輕定知倪清河殺犢陳孟觥

見三國志管輅傳裴註

喜聞

桔槔罷預想篝車盈何必東廣微祈禱通精誠及時膏
潤足先秋枕簟清衰年寡嗜欲萬事了不營所急惟餽
粥水旱頗關情霑澤賴蒼昊蠲租感 聖明一飽復何
憂鼓腹歌昇平

題顧退山太史扁舟圖

吳中富山水隨處足遊賞自從官京師眯目憎塵埃月
俸粟一囊未能飽廝養幾人到三公漫作青雲想一夕
夢滄洲春風動蘭槳暫辭承明廬歸侍扶風帳吳山故
青蒼吳水仍浩蕩山水如故人別來幸無恙黃篾一舟
輕涼颺吹五兩綸垂帶笈簪撓舉鳴菰蔣散髮謝將迎

抽簪脫羈鞅定知萬戶侯不敵五湖長

客有句余致札當事者詩以曉之

故人音問斷雙魚羅雀閒門久寂如時貴難看油幕面

畏途防瞰憤籠書

見三國志崔琰傳裴註

地幽自喜交遊少性懶

從教官長疎任是子公多氣力寒灰何處借吹噓

地從涼燠變交情守分無如百不營白髮蕭疎成野老
絳紗黯淡隔門生性慵恥更通干謁身隱人誰憶姓名
一自滄江高臥後久無書札到公卿

中秋夜無月

壯歲逢茲夕高懷寄嘯歌雲停吹玉管月出漾金波暮
景歡娛少溪居寂寞多本來無勝賞閉影任姮娥

抱灌軒秋興

我來當歲首細雨梅花寒時方積稜後民物皆凋殘
顛顏都墨短褐身不完蕭寺行糜粥觸目為辛酸
今我復來斯桂枝發華丹禾菽被原野炊煙起林
端木綿吐衣絮新杭足晨餐閭閻得一飽我心有
餘歡

雙鳳桂花歌

丹桂傳來天上種土物由來說雙鳳灌植家家各
滿畦穠香郁烈秋風送遠近挈舟為買花傾貲不
惜金錢重別有虬枝偃蹇斜百歲根溪移不動花
殘幾日墮芳茵瑟瑟珠璣委陌塵採香客到猶論
價收來金粟每盈囷千杵春勻香不死雜珮纓囊
巧製新當年舊族傳科第

意氣爭攀月宮桂儒生宴罷鹿鳴歸天香飄拂秋
容麗亭榭留賓競舉觴氤氳花氣沾衣袂只今嘉
樹尚依然人物凋殘風俗敝池園荒涼蕢棗多姮
娥老去樹婆娑仙根剝斷吳剛斧吁嗟奈汝桂花
何

和周礫圃移居

何處無環堵幡然別故居殘書猶滿篋家具不盈
車綠借鄰畦樹青滋屋後蔬王維南垞近暫憩即
吾廬近水庵所居

庚寅元日齋中讀書

童稚游鄉校歲紀庚寅年今復逢茲歲擘鏡憎華
顛仕學兩無成流光忽徂遷三載冬無雪遍地生
蟲蟻遭逢

堯舜仁頻年井稅蠲昨夕布彤雲琪花舞遙天今朝喜
微晴簷溜仍涓涓雪消疑澍雨日薄猶含煙其占爲豐
稔農書古所傳災年幸忍過何愁食無饘閒門早謝客
暫免塵累牽卷帙分左右千載得沂沿抽擇隨吾意菁
英恣掇搦陳言未敢厭反覆乃益鮮追憶童冠時歷歷
猶目前所苦雙眸暗臨書誤丹鉛神智似未耄聰明若
可鞭譬如重鼓篋新硯試攻堅願師表伯業餘生託殘
編

問礫圃病

契闊經旬久知君尚臥疴吟懷猶似舊眠食近如何藥
想隨時減花憐委地多牀頭留宿釀重待杖藜過

猛虎行

嗟爾南山白額虎吮血磨牙同貔貙橫行不畏卞莊來
側目偏逢甯成怒舐啖山林百獸空虞人不敢施機弩
負嵎憑險更誰撻尾如竿矗閃雙睛哮闕一聲崖谷裂
爪距忽展熊羆驚山下婦人空慟哭路中俚鬼解逢迎
蕭條曠野無行跡食人猶肯留殘骨白晝頻看恣攫挐
豈惟月黑憂搪突填腸滿腹心何極野兕山羊爭窟匿
却訝如人仍著冠那堪怙勢還添翼雄視眈眈肆吞嚼
憑威何日遭急縛短衣李廣尚騰傷挾矢裴旻終膽落
嗚呼造物何不仁產此惡物戕生民入戶逢昆猶必噬
攔道排門豈擇人麀場兔窟搜求盡愁殺西郊獨角麟

為陳滄洲太守危之也

題李謚菴狀溪草堂圖

誰做王維畫居然白石涯雲牕延遠岫水檻替浮楂絮
墮臨池柳籬通隔岸花江天放眼濶詩思入煙霞
但喜披圖見無緣躡屐遊泉從冶父落渠合狀溪流留
樹休添屋看雲更上樓風塵人競逐吾道在滄洲
懶踏城衢路偏耽野興饒穿池通活水接屋當溪橋藻
密魚爭聚花繁鳥競招好朋來二仲清酒正盈瓢
標格山庭秀何當巖壑間脫冠便散誕坐石聽潺湲此
地真堪老如公豈得閒他時猿鶴怨終恐掩雲關
東江詩鈔卷十

東江詩鈔卷第十一

太倉唐孫華實君橐

受業陸師巢雲編

春雨

黯淡過三月芳菲逐逝波春淡晴色少夢覺雨聲多零
落憐花嶼青熒浸麥坡遙知隴畔水汎濫比秋河
清曉臨書幌輕寒擁褐衣蕭閒覺晝永冷落放春歸鳩
婦鳴相喚鶯雛濕不飛村廬應更好新水漫漁磯

同諸公集汪見三園亭

勝地頻招引春風歲有期人多前度客花似去年時露
浥歛紅重煙淡暗綠滋晚涼仍徙倚正愛雨如絲

登臨容我輩卜築自前賢煙水空濛地風光淡沲天峰
高猶自昔樹老不知年指點遺踪在依稀認輞川即弁山故基

抱灌軒雨後喜周樂友胡馭洲至

城居厭喧囂偶此來村圃偏逢三日霖林色沉煙霧朝
聞鳥聲歡風光生草樹陰雲漸解駁淡日始穿露新葉
綠生香殘花紅尚仆夏氣換恢台芳春黯然度暫愜塵
外蹤得散園中步幸逢二仲來清談豁心悵

村園月夜

樹靜風初斂林空月易生暝禽棲正寂露葉溼偏明燈
火鄰廬影宵鐘遠寺聲悠然塵世外暫遣此心清

壽周礫圃八十

衰年苦索居老伴餘幾箇不嫌閔叔貧得蒙周黨過濁
醪常共斟新詩亦時和憐君守章句時命每相左有屋
補牽蘿無田種香粳身僅託雞棲力不任馬磨茅茨捲
秋風溼煙蒸土銼曾聞昔名賢畢生遭坎軻商歌原憲
寒霖雨子桑餓但留堅白存且免緇塵浣君心自恬愉
志不因窮挫偃仰丈室中悠然天幕大新婦能共養稚
孫自督課杖藜恣游行頗不耐安坐引滿過三爵談笑
傾四座耳從昔年聾腰愁再拜菱音挫出禮記今年躋八十
小疾因勞瘁幸免二豎催似有神明佐寒愛南榮曝涼
便北牕臥已知四體和終期百祿荷賦詩陳短章聊當
羊酒賀

婁江

一綫婁江阻百川東南旱潦已多年 九重自訪河渠

筴羣吏爭分內府錢淺溜可容巨編入水門空有積沙

填只今白蜺湖橋路史記正義蘇州東南早見黃泥擁

石田

疏淪功成記夏周明夏忠靖公原遍穿畛陌費咨諏當

年俱賴名臣力今日徒煩 聖主憂誰念窮黎勞畚鍤

但教黠吏算牙籌導河本自需賢哲肉食何知預遠謀

久旱酷熱立秋後一日得雨驟涼志喜

盛夏久不雨經月苦炎熇人愁鄭火焚禱想魯虺暴呼

嗟憫三農焦灼及九穀商飈引素秋光景變一宿雷聲

忽殷牆雲起俄成族初零似散埃少頃疑翻瀑皇天富

膏乳轉盼滋滲漉甘霖浹禾苗餘潤沾蔬藪早起看庭

樹老葉換新綠枕簟生微涼睡夢得清淑甦如出釜甑

快若解桎梏雖未極滂沱諒各分霖霖造物本無私人

苦不知足體似御風輕穗看迎霜熟二頃苟無憂長謠

聊鼓腹

毛鶴汀招同諸公南園看黃葉

閒園蕭槭似村墟猶似吳江未落初長養輪囷因地僻

掃除穠綠覺牕虛霜輕坐愛林容澹風定橫穿日影疎

幸有高朋能載酒長年何用重增歔古諺木葉落長年悲

城南水木舊清華烏柏經霜樹樹霞驚鳥未衝危葉墮

寒鴉猶戀夕陽斜連蜷已老三秋桂冷豔全勝二月花
虛館當年慚問字一丘宿草憶侯芭

未句追
傷熙載

吳歛為陳滄洲太守作

我行適吳會散步城東隅道旁數老叟相聚羣嗟吁問
叟何所苦言出涕淚俱皆言太守去誰與活煢孤吾吳
實些窳謬稱財賦區民風競華靡外充中固癯太守躬
儉約牲魚絕庖廚令行風偃草誠感物自字屬吏知畏
法無敢輒恣睢太守未來時戈鋌伏萑苻自從太守來
大澤無鳴狐太守未來時虓勇擅相屠自從太守來椎
埋散奸徒吳俗好爭訟投匭工詆誣自從太守來水蠹
潛亡逋吳俗尚飲博繞牀叫梟盧自從太守來閭巷息

樗蒲吳俗喜淫祀靈談舞陳珠自從太守來祭賽斷妖
巫前此府帖下遣吏督征輸太守緩征歛州縣稀尺符
吏胥作蠹賊公帑任穿窬太守嫉奸蠹宿弊剗根株太
守多微行清夜穿街衢競傳太守至滅燭掩門樞搖手
相禁戒汝莫逞狂圖遂疑一太守化作百千軀白下昔
罷官攀號涕通都徵拜起徒中歡呼溢吳趨忠信達上
下撫軍實醇儒從容論民瘼指臂交相須生逢堯舜世
永願歌含舖不知坐何事解組忽須臾跼廉夷則貪反
覆何所無嬰兒奪慈母誰憐泣呱呱我聞父老言惆悵
心煩紆安得百太守遍使窮民蘇一朝嘿嘿去叫天真
無辜天門開誅蕩九閻或可呼誰能鳴諫鼓慷慨伏青

蒲終望太守還整頓起凋枯我言匪敢私聊足備吳歛

官倉

今年窪土半汙萊惟有高原存秔稌并賦常憂不足供

敢望私家餘二鬴俄傳府帖下徵糧稅長問氓走旁午

月令曾聞較斗甬周官嘉量銘辭古民間出入尚須平

何況徵收自官府斛式製自崔中丞頒行實由元世祖

至元間中丞崔或始製斛式口狹底廣至今用之不改 庶寬口窄有成規早禁淋

尖戒多取倉場斛多浮滿俗謂之淋尖 此式遵行四百年一旦奸胥

敢變侮爭詫今年斛製新上下均平如甌甌斛面高堆

輒數升悉委倉夫操量鼓曲禮獻米者操量鼓孔疏鼓量器名東海樂浪人呼容十

二斛者為鼓 胥使倉夫如使奴指麾總奉胥為主民間粒米

重於珠載向官倉賤如土早時賤價胥折乾盡剗窮民

膏血補胥富全看金穀輕民窮甘受鞭笞苦狼籍倉場

填淤泥穀飛眼見都成蠱穀之飛亦為蠱見左傳 可憐小戶闕晨

炊破竈無煙轆空釜

歲暮方窘揆少司空自都門遣使餉金

寂寞林棲地窮陰歲暮天人方臥雨雪使忽到幽燕封

裹金盈百間關路幾千門牆多少士寥落竟誰憐

冬日有憶

析居弟妹並艱難生事蕭條歲欲闌望我為官仍偃蹇

憐渠失路各飢寒勸酬長願歡顏共杜詩弟勸兄 肥瘠

誰能冷眼看激水西江那可待且分困粟續晨餐

寄題三賢祠

在泰山下祠宋孫復石介胡瑗

泗水流湯湯泰山高萃律地靈鍾至聖萬古開日月名
教示隄防人倫樹圭臬微言雖久湮遺經資誦說所以
後來者興起多英傑矯矯孫夫子山棲自怡悅春秋著
發微大義得昭揭徂徠石先生函席參諮決正氣觸奸
回危辭奮筆舌聖人取狂狷此道未宜缺同時安定公
師友相磨切十年不歸家俗累非所屑至今投書澗泉
水自清冽三賢實鼎峙高風表截業誦法惟周孔許身
並稷契運窮有退藏識定無緇涅講道尊聖經議禮恥
綿蕝巖巖泰山阿清芬未歇絕康成有黌堂高朕祠石
室三賢留遺蹤豈宜就埃滅江夏今儒宗詞源傾溟渤

持衡聖人鄉玉壺湛冰雪文章起積衰景行仰前列謂
此三君子才品各超越上溯先聖傳履道得門闌下開
濂洛宗經涂示軌轍訓士先綱常植之在氣節任道貴
高明三賢洵邦傑使之厠聖門詎慚兩廡列下教飭所
司建祠枕山窟棟宇丹牖新茅薦蘋蘩潔爰俾魯諸生
俎豆得時設清風激懦頑庶以俟來哲

汪見三招同諸公看花園亭

遲日招邀勝友同乍暄偏愛薄雲籠華筵漸減前年客
艷蕊仍翻去歲叢碧樹暝含垂葉雨綠池吹縐落花風
人偕春燕如期到常定尋芳三月中
嘉招每歲趁芳辰雨後林亭衆綠新寶砌丰茸驚五色

錦幃嬌冶殿三春何當綺席容衰老且賀名花得主人
最有陸倕忙未了谿堂暫遣一抽身匪我後至

題宋葑洲太史出塞督運圖

聖人德化遍九埏薄海內外無烽煙忽聞么膺肆跳踉
天子赫怒親臨邊臣僚相顧各蓄縮誰肯慷慨隨戎
旃廣平太史本儒者請行獨在羣公先繫纓夙有終軍
志授鉞曾無竇憲權帝命輓輸出中路車馳轂擊聲
喧闐躍馬腰弓氣勇決急裝縛袴身輕便赤日或行身
熱坂酸風或渡層氷川臨淡或入崢嶸壑登高或上嵯
峩巔砂飛常苦塵眯目雨甚仍憂泥沒羈有時獨夜營
門立刁斗無聲秋月圓回首家鄉渺何許聽殘蘆管不

成眠揚鞭一抹飛狐塞按轡頻過飲馬泉惟爾儲精來
獨早履危蹈險無稽延適當西路呼庚癸糧車忽到旗
門前轉輸能濟將軍急膽略誰笑書生孱馬騰士飽各
致力蛾賊一掃謳歌旋相門出將古亦有王式豈逐隨
何肩唐名將王式宰相王起之子功成歸來仍袖手殿廬視草趨花
磚傾身出赴艱難會忠貞世篤由家傳他日磨厓紀盛
烈須君大筆銘燕然

題晉陽遺像

吾宗帝堯後分支有唐杜自宋質肅公苗裔遷南土移
居鳳里始何年累葉衣冠不乏賢始從薄宦霑微祿後
來科第仍蟬連父子相承兩御史繡斧威稜推直指鄉

黨爭誇世豸堂

晉陽堂名

榮華不羨鳴珂里群從翩翩多俊

英明經鄉舉各蜚聲謝氏封胡俱競爽王家養炬盡知名此日休明逢盛世丹轂朱輪踵相繼子弟惟知課藝文世途只解尊科第於今徒向畫圖看長身突兀惠文冠年來耕鑿安時論當日威儀尚漢官鳳里荒涼堪歎息四姓堂前總荆棘

郊唐周顧鳳里謂之四姓

吾宗猶幸守敦龐本分生涯習耕織詩書雖已遜儒風稼穡猶無慚祖德魏

我盡裏各簪紳清門為庶只長貧先朝賸有魏公笏老輩仍看郭泰巾遺經一卷籤勝在繩武終須望後人

學山園紫藤歌

學山紫藤森十丈蟠根偃蹇虯龍狀爛熳花開穀雨天

誰數王家紫絲障靜異堂前翠幔張花時士女紛來往百寶攢成瓔珞裝千條倒掛流蘇帳清河兄弟盡能文四子聲華海內聞緇髡丹顏竝年少我亦差肩張一軍銜杯歡笑多名俊酒香花氣共氤氳綺樹懸燈添熠耀落英拂席每繽紛荏苒年光疾過鳥花枝如故人今老季子先鳴偏數竒諸兄失路同潦倒只今相次掩黃壚霜露淒涼悲宿草不材憐我尚全生恰似孤桐半枯槁學山臺榭總傾欹獨有名花似舊時當年同調人何在每到花前輒淚垂滋培百歲非容易勤囑東君好護持待看園林回氣象莫教風雨便離披

茗上張子宏輓詩

昔我先君子時推井大春書堂張講席五經自紛綸在
遠走贄幣下帷茗湖濱維時明代末浙水未風塵居停
有張氏族大盛親姻延迎請受業具禮肅主賓翩躑三
學子頭角皆嶙峋精廬列文史饋饌羅肴珍晨牕緝帙
展宵檠函丈親季子年最少學藝日益新君家正饒樂
儒冠比簪紳歲收數千斛紅粟常盈困蠶桑餘羨利縑
絲白於銀方期拾科第橫海躍奇鱗豈知兵火後家道
逢遭迤訪我西湖上話舊含悲辛田疇多易主荒廬長
荆榛賴有肘後方抹瘳頗如神先子昔尚在多君屢來
詢先生伏勝老弟子原憲貧相對各如夢恍疑劫後身
燈前一杯酒感歎還霑巾先子既下世嗟君亦長淪通

門老兄弟繼見渺無因聞君有佳壻文行皆溫醇門楣
幸有託半子情尤真因風寄哀辭庶代生芻陳

息廬詩

有序

予苦無書室辛卯秋乃於堂西隙地構屋兩楹至
冬落成取陶淵明詩斯晨斯夕言息其廬之句顏
曰息廬而紀之以詩

藤梢棘刺早芟除一室麗成苦蓋餘來日無多真逆旅
此身現在是吾廬偶眠木榻宜清簟小憩藤牀當軟輿
留得碧陰高覆屋桐花晝靜好攤書

馳驅塵土厭勞生身世從今百不營就繭已同蠶竝老
壘巢恰比燕先成閒將無事當調養病費扶攜罷送迎

漸喜暄和春晝永雀羅寂寂掩柴荆

空庭初罷斧斤音簾閣悠然小院淡差喜眼前無俗物
從他世上有機心室卑何用糊賴壤樹老猶能布綠陰
近日光風看漸轉枝頭早已語春禽

老謝經營願息肩飢思一飽倦思眠髡絲禪榻消長日
席帽征車憶往年微雨乍迎挑菜節淡晴已近放梅天
莫嫌室小常妨帽也勝張融岸上船

庭前初種玉蘭一枝數日花放

階砌名葩市上移俄驚瓊片早離離含苞已喜風吹散
綴玉曾無雨點緇玉蘭經雨即敗種樹暮年貪帶蕊看花老眼
愛卑枝只今出檻剛三尺照坐搖光待幾時

客談維揚事有感

檐帷檠戟集揚州將謂根株次第按祇有蜩蟬喧永日
曾無鷹隼擊高秋燒詞未肯窮梁獄泣玉翻憐作楚囚
惟是餽牽將告竭柳隄錦纜尚淹留

重有感

孤寒何路望吹噓餘事文章直土苴按事莫循三尺法
求名枉讀十年書鼠因憑社熏難入魚失吞舟網尚踈
從此麻衣休再著好焚筆硯老樵漁

持衡浙水昔停鞍秋榜初懸列郡歡仕版策名誰宦達
貧儒得路總艱難盈川一令憐楊炯翰院三年痛呂安

余所取士胡紹安呂葆中皆奇才胡仕縣令
早天呂及第三載而歿其餘名士物故甚多莫怪高貲

居上選從來寒士命多寒

贈曹浩修學博

東阿才筆擅風華偶過江城展絳紗海上秋風三頃稻
檐前春雨一簾花同官恰喜逢鄉里攜室偏欣傍外家
麈尾翛然簿領外絕勝打鼓報晨衙

鳴珂奕葉舊家聲小試儒官長一覺性為好閒宜仕隱
瘦因病肺轉神清却公自愛登牀堦謂麓臺甯氏羣推應
宅甥謂補亭問字客來聊破寂籬邊花下有逢迎

鶯粟花

主人池館似山家爛熳階前錦被花鶯粟一名錦被花風裊柔
枝欺芍藥苞含香粒敵胡麻栗留影裏垂蕤重鶯一名黃栗留

見詩疏

桑扈飛時拂檻斜長共虞姬墳上草年年春日鬪

鮮華

夏至日同朱文博吳符鄴小飲忽風雨驟至涼甚
虛堂長日共飛觥莫厭貧家瓠葉羹急雨平銷三日暑
涼風早送一陰生喜無熱客來衝酒幸有清言為解醒
遙想田間溝水足新秧千頃綠雲平

六月初一日初聞蟬聲

中庭有高樹葉密風颼颼新蟬忽試響翳影聞啾啾鳴
聲猶未高時作還復休螿蟻尚未知即螿雅且免搏攫
憂嗟汝飲露腹嘒嘒復何求時至發微籟旁鳴豈自由
周官考工記有以旁人皆憎此聲觸耳增鬱攸寒暑自

鳴者鄭註蝸屬

歲序於汝復何尤猶勝俗客談登堂滿伊優敢嫌此物
聒轉覺吾廬幽

恭賀太原相公四十韻

神誕崧高秀光分昴宿精三台看續曜四葉實鍾英交
讓盈朝陞歡呼溢里閔堂餐蒙賜饌鼎味待和羹觸石
知雲起崇臺得柱擎公侯終復始喜起又重賡爰立符
公望疇咨簡 聖情功名應丙魏家世本韋平憶昔神
宗代遭逢國運亨夔龍時正滿金虎隙潛萌屹立清流
幟誼饒國本爭先公秉鈞軸羣議正簧鳴拱默歸宸斷
維持賴老成元良仍不改匕鬯訖無驚太史神僊質鴻
文賈董名奉常推盛德鄉黨浹仁聲耄老心彌肅崇高

志不盈孫謀傳孝謹僮約戢縱橫天姬揆籌應神光照
社明槐庭滋舊翠蘭錡潤新榮累世儲祥久吾公應運
生環階紛玉樹拔地一金莖志氣青霄鶴文章碧海鯨
早年發蕊榜即日上蓬瀛校士持公鑒羣材服定評周
防惟恪慎器度本淵泓密勿叅三事迴翔遍六卿爭先
看捷足拾級但徐行遇合逢千載交孚總一誠王商真
漢相召奭實周楨世烈存遺笏先規凜鑿楹澄陂千頃
濶廣廈萬間宏多士歸陶冶蒼生仰覆帔坦懷忘喜愠
順運絕經營鄭驛賓常聚盧家瓠每烹誰知綸閣啓猶
似翰林清相業曾孫繼興門盛事并登庸猶矍鑠後嗣
况崢嶸泉石今如故池臺舊不更待公濟時了綠野得

逢迎

都憲揆公書來訊余近狀兼索所著詩文

羅雀閒門斷往還忽來遠訊扣柴關故人已在雲霄上
往事追思夢寐間豈有離憂吟大澤更無撰錄貯名山
叢殘敝帚留餘在幾度遲疑手自刪

頻煩書札慰沈淪誰似君侯氣誼真自愧衰殘成長物

從來富貴易忘人

長門賦飲食樂而忘人

久知趙壹悲無用敢望

桓譚賞絕倫聞道金閨多著作何時刊布國門新

來書云公

餘偶暇習氣未忘時復濡毫弄墨

懷舊詩

有序

吾友朱廷一先生經苑康成人倫有道升伯起之

席庭筮三鱸折少府之鋒談推五鹿博物過於壯
武多聞邁於胥臣直比朱絃曾無委曲瑩如白璧
不染緇塵余誼參密戚居託比鄰游聚每在一堂
往來不逾數武周黨之過從閔子止有清談慧曉
之居竝張融皆臨流水何意日斜庚子歲尾已辰
訪劉嚳之居猶存老屋過斛斯之宅僅睹斷橋所
幸韋氏經文皆傳令嗣中郎書籍不付他人先生
子若孫並為高才鴻生英英濟濟復有興者其在
斯乎長君商求執義吾門而商求之子文博復館
子家訓予兩孫蓋通門交好於今三世矣而予視
息人間塊焉尚在聞山陽之笛淚灑陳根答秣陵

之書事違幽壑撫今感昔為之愴然因作詩三章
以抒懷舊之思且以誌世好於不忘也

經術紛綸并大春鬚眉歷落見長身游如莊惠微言合
情較劉盧世誼親山館藤花常縱飲寺門流水記芳鄰
只今未契多年少誰比朱雲是故人

謝庭猶喜長蘭芽生小崢嶸頭角誇春雨閒園滋菜甲
秋風客路踏槐花鑽窮蠹簡承先世荒盡菰田傍外家

慚愧執經三十載曾無竒字授侯芭

此指商求

講帷暫屈課兒童方雅居然大父風聰悟那能晞少蓋
少蓋到癡頑終恐是吳蒙詩書或望傳先業杖履差堪
侍阿翁多感譚經常不倦宵分猶剪燭花紅

此指文博

夏日漫興

日長無事亦悠哉一飽無營萬念灰正欲分秧時雨至
裁思舉扇好風來牆頭積潤多生草階砌逢霉遍上苔
莫為閒居愁執熱征鞍何限觸黃埃

每愁夏令轉恢台忽聽狂飈殷若雷聲撼屋山吹瓦落
怒移滄海挾潮來飄蕭梧葉先秋隕狼籍花枝委地摧
造物祇應憐老病一涼暫遣赤燠迴

旦起身輕便葛蕉晚來無計度炎熇百年光景催風燭
一日精神異暮朝棊酒生平都不解坐眠長晝總難銷
欲邀好友同清話直待涼秋對沍寥

驚飈裁過又驕陽杲日當空晝景長稍喜門閒多鳥雀

怕聞客至理衣裳人思解渴調冰水農說宜禾要熱湯

月令燒薙行水如以熱湯自是天行有常度更求何地占清涼

憶昔平津講席淹祇憑吟咏度朱炎泉聲月色多臨砌

嵐影林光半入簾弟子已登霄漢迴先生仍就草間潛

久知龍蠖皆前定古井無波心自恬

讀王抱翼小山詩集

瓊寶積瑤圃名材出鄧林我昔游京師同志合朋簪姜

查才最雄西溟夏重風標並欹欹湯吳矜綺麗西厓西齋霞裾異

織絳惠子善用少溪研惜墨常如金宮生慣用多恕堂累斛

傾竒琛而我愧黥淺異苔託同岑聯轡或朝詠刻燭多

宵吟有花輒共賞得酒無孤斟自從歸閭里曠隔如商

參獨倡無與和寂若秋蟬瘖疲暮逢王子蓬藿肯見尋

三復小山詩知君用意淡抗志必師古吐詞非諧今孤

桐應律吕泠泠聞玉琴大雅久不作由茲暢元音如聆

鸞鳳嘯蕩彼鼉蠲淫昔游各鄉縣蹤跡異飛沈今適同

里閑時時得披襟斯文紹前哲非君諒誰任我老久衰

退歛衽徒傾心努力期千載榮名非所欽

題蘇苞九進士濯足圖

秦川公子擅文章京雒多年跼舉場灰洞何人嫌溷濁

涿北燕南之間塵土盆積謂之灰洞見范石湖集煙波有地自清涼芒屨久厭

塵沙汙布韞曾憐道路忙賴是谿邊留釣石尚湖春水

即滄浪

重九後四日招王冰菴太守陸匪莪侍御王潞亭
省曹周廷五孝廉吳紫眉明經飲菊花下

秋風動羣芳金菊方紛披人情競賞逐珍重比瓊枝城
南賣花叟種花當耘耔朝治復暮灌搢搢常忘疲不惜
半載勤趨此一月期我非抱甕人而又無場師不若竢
其成盈擔野外移羅列茅齋中端坐翫華滋豪家貴名
種重價傾金貲物尤不易購花開常苦遲賞愛貴目前
芬芳須及時安能待歲晏凜冽對幽姿李娟及張態妝
飾且隨宜何從訪傾城毛嬙與麗姬晉宮選長白亦各
鬪蛾眉繁英照素壁燈影搖參差天氣適暄暖明月映
簾帷花光正燭煜淡盃且莫辭寒風行悽戾衆卉日變

衰老至厭幽獨有酒思共持惟願常聚首年年醉東籬

題黃硯芝太史黃山採芝圖

黃山嶠峯撐高空號爲天都帝所宮飛瀑倒懸白練影
曾厓削出青芙蓉浮丘十里梅花落峭壁千尋石筍峰
鍾爲人傑皆卓犖散作靈草多丰茸江夏先生神仙伯
風標儼是餐霞客五雲瑞靄應臚傳一日聲名焮烜赫
高情偶厭承明廬拂衣便躡阮溪屐聞道丹萸巖畔多
朝暎耀采光翕赭何必黃精始療飢松根三秀長華滋
始信峰頭石崩劣容成臺下路透迤手攜筠籠恣采擷
科頭露紉風披披吾知圖畫聊爾耳赤松洪厓豈所期
君不見當年四皓逃秦祿長揖漢皇義不辱先生遭際

值昌辰論道經帷資啓沃露嶂煙巒難久居駟馬高蓋
無傾覆見四皓歌直省重吟紅藥篇商山勿唱紫芝曲

東江詩鈔卷十一

東江詩鈔卷第十二

太倉唐孫華實君橐

受業陸師巢雲編

題孫大承三峽品泉圖

尊人曾為什邡令

大蓬山下古侯封今為小邑方百里白雲縹緲隔親闈
孫郎定省舟曾艤蕭條廬井少人煙落日西風弔雍齒
歸裝并少胡威絹只有江泉味甘美吾聞巴峽江驚急
幸遇澄泓平似砥一葉扁舟破渺茫兩岸層巒環剌施
筆牀茶竈兩童攜黃篋輕舫一箭駛鏡裏清川綠可斟
船頭疊嶂青未已中流自在片帆懸浪細風柔吹不起
美酒何須載兩頭石鼎颼颼聲入耳一酌名泉兩腋輕

虎跑中冷那可比却嗤陸羽是吳儂一生未啜巴江水
送張蒿園廣文之官宿遷

莫因俸薄感華顛絳帳風規要長年七錄共知家學在
六經多藉老儒傳公田穡熟連車送淮水魚肥入饌鮮
屈指歸艍候春渚故山猿鶴望君旋

送王葆光縣宰之官邵陽

槐鼎家聲尺五天暫分百里試鳴絃春風帆引雙飛槳

秋雨人收再熟田

吳都賦國稅再熟之
稻今湖南田皆再熟

杏苑才高輕俗

吏桃源路近即神仙

武陵桃源
在邵陽

高門自昔無卑宦轉瞬

騫騰看九遷

紀異

郡縣城隍始何代載在祀典非淫私城隍神始見北
史慕容儼傳有

司朔望必虔謁昭報恍惚通神祇水旱有禳疾有禱筭

筵往往占憂疑廟貌穹崇傳自古層櫺曲折攢芝栢像

設威尊踞高殿陰風髣髴吹靈旗姦徒惡子腹毒螫陽

罰不及愁神知丹楹畫棟日增飾指顧便肯捐金貲浮

屠老子各祠廟零埶碎甃誰撐支僧徒道人飢盡走淒

涼壞壁縈蛛絲獨有城隍享豐樂有酒如淮肉如坻鄉

里愚民最無識有病不解尋良醫惟憑巫覡恣幻惑典

賣襦袴供牲犧祭禱方罷號臯復不悟無徵翻悔遲城

隍祀事益繁盛朋妖扇孽誇靈竒紙錢委地每山積簫

管歌舞無休時東西兩宮結徒黨不爭曲直爭盛衰一

神互自作讐敵老拳毒手相加遺蠻觸交戰怒未洩波
翻瀾倒誰支持子尾自抽太廟桷李陽豈為漚麻池磨
刀礪刃入祠屋明神遍體成瘡痍泉臺妖蛇忽躩踞先
廟一日有大毫社怪鳥呼出語不知何人夜縱火絳天
烈燄融風吹千年遺廟付灰燼飄墮鐵鳳摧罌愚氛侵
何從詢慎竈失禮豈復同桓僖長吏瞠目噤不語欲按
根柢知為誰神焦鬼爛竟莫問父老創見皆嗟咨比來
以神作嬉戲幾使正祀成淫祠一朝決裂事有漸皆由
惡俗相傾危獨怪明神無顯報冥誅幽殛了不施豈若
羅池柳侯廟醉侮旋能殺李儀見韓昌黎早知木偶無
靈爽紛紛巫史寧非癡吾願鄉黨各安戢毋舍民義崇

神達

神達昧其難覆言神道
暗昧也見張平子賦

題彭南昉先生坐遊圖

南昉先生寰中仙直欲手拍洪厓肩早歲便吟思穎句
一朝晞髮歸林泉先生林泉在何許葑溪之南城東偏
上有盤鵬棲鶻之老樹下有眠鷗浴鷺之清川遠有雨
鈴風鐸之塔影近有禾雲麥浪之平田幽蹊曲磴傳勝
地一一輸獻吟牕前君不見湖川長史蘇子美滄浪花
木何芊綿揮毫賸有三千首買地曾捐四萬錢又不見
廣陵王子婆留後南園日夕張瓊筵碧瓦朱甍互照耀
紅欄綠水爭華鮮文章富貴俱磨滅只有古木浮蒼煙
先生宴坐默有會齊物早悟蒙莊篇綠綬腰章棄如土

桃笙竹榻心悠然不用籃輿費扶舁何須柳粟煩攀緣
翻嗤謝客遊計拙伐山刊木增喧闐臥遊坐遊總自得
眺覽止隨心所便夜雪且迴剡曲棹春風常對舞雩天
獨惜侯芭老無用百里信宿愁迤邐知有雲山在几席
會應杖屨容周旋

哭毘陵座主宮諭楊公

奕葉承明舉世稀偏因羈宦苦思歸陽城木枕行囊薄
方朔金門心事違常悔攜家愁旅食每因置酒典朝衣
斗箕命值供揚簸空被山頭猿鶴譏

春風桃李自盈門函丈從容笑語溫侍直十年難避債
乘輶二載已流言幸看子弟皆承寵頗訝生徒慣負恩

賸有戴崇憐尚在獨餘清淚灑陳根

臘梅

秋花零落剩空林忽訝幽芳點染深霜曉半庭翻磬口

風前一笑展檀心何來寒玉雕蒸栗魏文帝論玉黃如蒸栗似向

妝臺剪碎金纖手最憐煩揀擇斜穿絳縷上瑤簪

題黃研旅出塞圖

丈夫生不能如班仲升投筆從戎封萬里又不能如田
子春仗劍前驅雪讐恥困守常如畫地牢鬱鬱胡爲久
居此黃君倣儻更權竒目視九州同尺咫揚鞭遙指烏
桓城攝衣直渡桑乾水款段常嗤馬少游縛袴思從傅
介子鄉黨小兒羞比肩桐酒黃羊翻便美松杏山河舊

戰場白草茫茫弔殘壘崩縵三尺動隨身指顧天涯若
比鄰可憐馮叟無窮恨終日關門對孺人

題程聖跂載花園

高士多憐菊繽紛載滿航輕橈縈柳帶野徑入柴桑日
煖千枝豔風吹一水香籬門傍淡竹稚子立斜陽

維揚寓中喜族弟薪禪待詔改堂太史序皇文學
敷時孝廉同過

每向樓頭憶棣華論文蕭寺喜停車同懷何意岐千里
名士難逢出一家夢裏常吟池畔草客中相對廣陵花
勸酬幸得聯兄弟寥落行裝免怨嗟

薪禪改堂序皇時相過從各有新詩見贈詞翰並

美予感其意奉酬一首

吾宗溯自宋質肅子姓隨蹕因南遷大江左右東西浙
垂條布葉皆綿延倫魁甲第姑勿道高文大筆推荆川
中丞太僕竝千古金薤書成日月懸吾弟系出襄文後
牙籤萬軸窮鑽研席帽風塵慳一第傾城不嫁空嬋娟
詒我新詩日吟賞春風芍藥離情牽贈詩有云可惜離
情拋芍藥留君難

似挽
留春

淮海維揚多俊異吾家三鳳齊聯翩太史英年取

上第鑾坡入直趨花塲竭來迎婦丞相府

為吾師宛平
公弟子婿

旁觀爭羨秦樓僊生平恥問家人產珠衣寶帳隨雲煙
只今家貧猶好客延我飲食陳芳鮮沈約詩篇任昉筆
揮毫落紙人爭傳叔子權竒足競爽雲間一鶴看飛騫

愧我才非客兒匹如汝何曾遜阿連

序皇贈詩有春草何當托惠連之句

季子神情自沉默却說早占桂林先市駿已騰燕市價
聞名競訪孝廉船我來蕪城值春暮屢開紅塵欲漲天
增輝賴有花萼好竹房禪榻相周旋信知盛族唐堯後
晉陽苗裔多名賢文章足敵金銀氣儒雅一洗錢刀羶
憐予髦老尚為客一莊蕪廢南山田詩卷琳琅滿歸橐
何用跨鶴十萬誇腰纏

壽沈台臣七十

沈郎二十作文賦赫翁才名起弱冠延陵祭酒賞君詩
無異中郎重王粲太原相國昔相招下榻論文共宵旦
授簡肯推枚叟先讀書早過袁豹半擊盃揮毫五字成

四座驚嗟共傳玩秋風屢泛秣陵船朔雪嘗淹碣石館
十年不嫁惜娉婷千首何人酬錦段頗有知交餉俸錢
一杯那救湯年旱雖復遭回意氣存眉間神采猶精悍
共憐老驥困黃埃却羨神駒歎赤汗到處常書白練裙
自小能吟青玉案陸機入洛正英年公卿倒屣爭推讚
三年雖染化衣塵一朝待縱凌霄翰老翁得此復何憂
秋期會見門庭換愛君老學似袁遺著述丹鉛不停腕
少陵箋註豁群蒙曾註杜詩全唐甲乙憑點竄方選全唐詩道園
自詡勝范楊如君不慚老吏斷虞集自許為漢廷老吏屈指交期
歲月淡文酒追隨同里閑細看黃壚少故人與君髣髴
皆垂蒜君猶強健且加餐不用悲歌白石爛前屈後伸

理必然由來龍蠖非人算

讀韓致堯集

身世阽危事不堪孤臣銜淚灑天南
沉湘有恨生無益賣國何人死尚慚
造膝誰能容陸九撩鬚終是怕朱三
美人香草皆離怨莫道香奩語太憨

寓揚州天寧寺同呂藻南李荆濤吳符鄴至寺後

眺覽

偶趁春風泛短艫喜逢蕭寺綠陰遮
門無過客尋修竹徑有閒僧掃落花
放眼蒼茫看塔影憑欄曖曖見人家
怪來窈窕多層宇應爲當年駐翠華

維揚程衣聞招同呂藻南李荆濤家弟薪禪改堂

壻吳符鄴載酒遊平山堂登眺即事

我來三月泊揚州蕭森古寺松門幽
櫻桃花謝鶯欲老南陌未遂巾車遊
幸有良朋解余趣招攜載酒登輕舟
裁過紅橋心眼豁快意有若鷹離鞫
名園華館紛連屬隔林遙見繁花稠
榜人揚舫瞥一過繫纜不得成淹留
樹影低迷啼好鳥蘭橈宛轉隨輕鷗
青絲挈瓶傾美醞瑯盤進食羅珍羞
稍覺暄風吹醉面舍舟縱步聊夷猶
平山咫尺得登憩願遊有志今方酬
緬想嘉祐全盛日文章太守矜風流
偶攜賓從恣讌賞觴咏盛事垂千秋
堂中扁額遺筆在字大如斗雄且邁
况有天章懸日月星河照耀虹光浮
第五泉枯井已幕中泠水味何從求

遙望平原樹如薺隋宮泯滅成荒丘張吳二子竝名士

張師孔傾蓋已喜情相投別烹香茗雜糶妝說詩論史

真吾儔回船洗琰更深酌薄雲細雨風颼颼一日已當

十日費主人厚意何綢繆旅客那能逢此樂曠蕩殊足

銷煩憂却笑當年狂小杜不尋山水夢青樓

水底芙蓉和杜雲川太史

繁紅紛木末倒影入迴塘露洗臙脂溼池分綺繡香娉

婷方映水綽約未經霜風起霞紋亂波明粉態光盈盈

如欲語脉脉似相望對面休遙妬分身各試妝低顏窺

曲渚薄醉立斜陽濯處疑成錦寒來漫作裳楚詞集芙蓉以為裳

駢枝爭下上一色並低昂莫遣飄零早長看水一方

哀吳振西進士

吾鄉延陵子矯矯獨角麟楊惲學史遷淵源蓋有因振西

為張西銘先生外孫早讀等身書才華軼常倫謂是籟雲足蹴踏

驚騏驎豈知久蹭蹬不逢九方歎東書上長安愛才得

平津為太原相公賞重荏苒踰五十始遊曲江春淹留未授官

編纂勞心神有婦不及訣遺挂悲安仁讀我贈行詩屢

和句益新予昔年以長句四首送別君凡十六和時時有書來念我起居

頻亦聞君善病書堂日長呻豈知青霞志修夜竟幽淪

吾觀夸毗子干名類非真行卷鑽貴要匍匐冒埃塵又

觀膏梁徒卷帙何曾親俄聞成名去揚揚擁朱輪嗟君

抱實學文行皆清淳薦士重侯喜掄材貴卻詵造物知

何意天祿殲斯人世既妬君才天亦厭君貧才豐遇必
嗇學富命乃屯銘旌書進士何補一生辛嗚呼命矣夫
老淚空沾巾

陸麟度入京補官枉道過別

依然投牒上長安未改書生面目寒此去著鞭應得路
肯來紆軫問加餐絃歌豈為謀三徑陶淵明云聊欲弦
歌以為三徑之資
高韻原知薄一官民俗只今愁武健憑將儒雅起凋殘
萬授一編修視學黔中遣使致餽

牂牁南去邈天涯一札飛傳道路賒得士可能如盛覽

盛覽牂牁人從
司馬相如作賦發函恍似對侯芭高人豈問千金橐遠
意相隨萬里艤終是真儒明分義授一精
於經學世情涼薄久

如紗

沈白淒自以與王永菴太守年皆踰七十而余與
張蒿園廣文復叨十年之長因倣白少傅詩以四
箇老人三百歲為起句見贈次韻奉酬

四箇老人三百歲文章三老合推兄謂蒿園永
菴白淒頽齡久

絕龍鬚夢來詩有渭
老之句逸興還尋鷗鷺盟敢為澗松徒歎

屈用左太冲
詠史詩意幸同杜櫟得全生澤車歎段優閑日鄉里

惟期善自名陶詩庶以
善自名

四箇老人三百歲誰為張丈與殷兄少年日久無前輩
老友心終念舊盟商皓尚嫌多一出榮期聊喜竊餘生
但須斗酒相娛樂誰顧悠悠世上名

送王冰菴太守之粵西兼東陳乾齋中丞

老去宜高臥君胡作遠遊家居原自好累重却多愁舟
楫通灘水登臨憶柳州主人多暇日同上庾公樓
幕府文章伯綸靡物望淡旌幢今日貴魏闕向來心轉
盼三槐地迴翔八桂林素交驚會面一笑得知音

桃花始放連日為風雨所損為之悵然

城南初報曉霞新苦霧愁霖欲餞春天布重陰渾似夢
花如薄命不逢辰枝枝帶溼疑濺淚片片沾泥浥路塵
低首無言憐憫默祇應腸斷息夫人息夫人廟里人號桃花夫人

王潞亭同年招飲觀劇

砥室疏牕洒埽新落花如雪草如茵性豪自喜窮珍味

量淺偏貪看醉人痛飲千巡沉井轄清歌百疊墜梁塵
東華左掖多忙客爭及園林自在身

薪貴

積藁漂沉萑葦無今年生計太疎蕪尺薪便足當尋桂
見張協詩如玉真堪比束芻蔡氏豈能憐爨竹應生早已撤

屠蘇應璩與韋仲將書云屠蘇發可堪炷竈生薪濕遙

望村煙一縷孤詩印烘于燧註疏

竹籬新就列植薔薇即事有作

枳籬茆徑野人家擬看紅薔插架斜未碍綠芒能刺手
且培黃土待抽芽海中仙樹難成果藩落駢枝易著花
桃李曾栽了無益何如叢薄有繁華唐人刺主司詩云不栽桃李種薔薇

五弟震侯貧甚割田三十畝贈之戲題券尾

鷦巢燕壘半傾危
弱女摧殘尚有兒
寧忍兄肥看弟瘦
豈令我飽任君飢
謀生無過先儲穀
求富何須羨販脂
贈汝灤西三十畝
好偕鄉里共舖糜

古語稱妻曰鄉里

官米行

去年靈潦歲不熟
慄慄窮民在溝瀆
詔書亟下有明
恩蠲減田租兼發粟
高檣大舩載米來
胥徒里正歡相
逐先時注冊報飢
民烏有虛名登記
錄至竟無從辨阿
誰盈車滿擔歸私
屋官米猶嫌飯有
沙市上公然恣販
鬻石米七百青銅
錢貧戶無錢但瞪
目得錢飲博競歌
呼窮鄉寡婦哀哀
哭官家本意活
煢嫠徒使汝曹饜

酒肉汝奪飢民口
內餐燃臍應照填
脂腹

述古

讒口成鑠金沉舟由積羽
蒼蠅正群飛白壁無完素
臧倉沮孟軻伯寮愬子路
正直枉者非妍好醜者妬
芳蘭每見鉏實以當門故
道義苟無譽特立何足懼
由貪而跖廉毀譽每錯互
孔光詆王嘉馬融排李固
孔馬皆大儒物情常嚮慕
一朝勢利奪顛倒迷好惡
嗟爾名教人毋令青史汙

苦雨

青熒陵陂麥候至爭抽芒
及乎夏氣淡千畛同時黃
農家仰早熟其功半稻梁
去年罹水災埽地輸官倉
田舍

無餘粒來麩庶可望婦子糝食新左傳不食新矣謂新麥也歡然得
充腹磨鑱待日出攜束齊登場奈何經旬雨晝夜驚淋
浪高者臥丘壠窪者沉渠塘眼看盡狼籍不得供餽糧
稽首籲天日願假十日光竟無一日晴天意誠難量
朝廷發官粟本為恤飢荒得粟誰最多蠹賊蝨蝻蝗曾
不及飢民何由愬天閭我廩幸未罄裹飯念子桑獨飽
心內愧率育祈年康

三中丞詩

豫州擅中區和氣陰陽萃河洛貢苞符崧嶽蘊靈異故
多產名賢芳蕤播往記吾吳俗皆厥撫循需大吏屈指
三中丞皆出梁宋地故禮部尚書湯公斌吏部尚書湯
宋公犖今總督侍郎張公伯行

公實鳳麟一出為時瑞讀書蘇門山脫略名與位學探
濂閩宗氣含曾閔粹秉鉞來江南誠求惟撫字愛民如
乳哺聲色初不試頑獷皆革心豈曰憚猛鷙淫祠一掃
除山鬼斥非類正氣盪妖氛本教崇民義迄今民不忘
談者猶拭淚宋公宰相門扶輿鍾間氣黃瓊練臺閣蘇
頰備德器歷任典方州惠澤必霑被坐鎮資老成近人
總平易條教初不煩鈴閣靜無事似無赫赫功萬物陰
受賜政餘憩滄浪碧雲動詩思清池芰荷鮮曲榭花藥
媚西陂足魚麥歸興縈夢寐公嘗屬子題西陂魚麥圖張公學道人
根原辨義利方輪不解轉孤立行一意清水映冰壺屏
絕絲粟餽大法自小廉墨吏心膽悸盡力驅猥獮百城

得鼯睡騎虎與握蛇仁勇心不憚酒脯及糗糧悉自家
鄉致惟飲吳江水每念吳民悴去職民哀號此涕豈容
僞洞察賴 聖明百擠不一墜三公皆大賢中州稟淳
懿歲星偏照吳半壁叨覆庇江左賴夷吾公等真無愧
奮此直如筆千秋待公議

分所食米餉遺親族

去年遭大水禾稼皆漂淪我廩無贏餘庶接秋穀新顧
視里中人謀食常艱辛米價幸未高顆粒已如珍來牟
方銓艾靈雨復連旬苟無升斗米何以活枯鱗及物非
我事且先急所親所親惟數家拙生同一倫罕聞煙火
通陶淵明集
煙火裁通羸臥風雨辰常念子桑餓苦無子敬困分

餉各數斗餐粥支夕晨我觀多藏室陳陳自相因親戚
任顛踣邈若越與秦穀飛象爲蠱歲久化灰塵吝者常
多財造物胡不均安得百萬斛散施遍飢貧熙然各安
飽同爲鼓腹民我老且無力此志何由伸

詠錢

底物能爭造化權乾坤略具小方圓紫標插處誇連屋
白水流時怕漏泉富比窟郎終自散見杜牧
詩才如趙壹
却無緣可憐世上癡兒子心作緡繩抵死穿

人情擾擾逐青蚨來去無常轉瞬殊計算術惟工姘女
賁緣權可買司徒幾家看守能三世到處奔忙爲五銖
不見銅山曾許鑄著身依舊一簪無

長歌壽周樂友

丈夫何事不可爲君獨胡爲習經史正坐生平誤讀書
怫鬱牢愁從此始如君本是不羈才弱冠文場名譽起
踏遍槐花未見收秋髮毵毵垂兩耳旣不能經營什一
致高貲身雜保傭坐塵市又不能十具耕牛二頃田搯
搯泥塗抱耒耜澣洗終是累山妻蓬歷長慚對兒子于
思于思可奈何顛顛烏爲困於此日糴太倉米五升夜
誦緜囊書百紙有時揮灑動千言老將還堪一摩壘吾
鄉習俗本輕儒只有錢刀雄閭里看君火色更鳶肩入
口未應侵餓理大材自古多晚成會待時來拾青紫鷓
鴉終橫碧落雲蛟龍不飲潢汙水從來壯士無暮年誰

謂先生今已矣君不見漢朝丞相公孫弘六十之年方
牧豕

題薪禪弟擊壺圖

吾宗俟齋弟磊落人中英二十飽經史詞藻紛縱橫遠
游曾賦從軍樂授簡能令坐客驚索米未甘隨曼倩入
貲猶自慚長卿只今宣髮已種種歎息常助秋蛩鳴試
觀長安中高蓋擁輜駟世間多有安沒字

安沒字五代史安叔干

偏買科第影華纓嚮者微視君意色頗不平我今有一
言可以解爾憤懣結轡之中情造物賦予有定分增此
減彼如權衡豐汝文章嗇汝遇誰令汝生擅才名人心
待足何時足毛銖敢與洪鈞爭君不見王處仲都督六

州控疆兵扣壺長吟心未厭惜哉狂豎徒驕盈達人所
適無不樂失意何妨蓬累行何爲君心尚怫鬱請看婁
江白髮兄榮途一染指卷懷返柴荆朝餐有麥飯夕膳
惟菁羹井底波瀾長不起胸中塊礪何由生君今詩筆
遠勝我遇雖稍阻道則亨君聞我言定一笑忽如萱蘇
解煩醒撥棄吐壺不復打振履快作商歌聲

無鹽

貧家生計苦廉纖茹藿羹藜久不嫌枸醬何從來俊味
芹菹略取點酸醎牢盆鏟利今垂盡竈戶侵漁日漸添
始信坡公非妄語邇來三月竟無鹽

吳門道中

老來何事更相關來往煙波夢寐間夜半舟師暗理楫
雞鳴月落過崑山

題金南廬工部所藏王石谷夏景圖

耕煙老人化工手層巒疊嶂工臨摹此圖畫水不畫石
換筆更欲窮虛無煙樹平林接杳渺清泉曲岸交縈紆
荷葉荷花香不斷紅衣翠蓋紛披敷翹立遙看松頂鶴
翔嬉近愛洲邊鳧忽然傍水構傑閣涼風似覺來菰蒲
中有兩人坐相對斯人無乃莊惠徒料應世事不挂口
或論老易談黃虞狂飈不動波紋細輕舟蕩槳如乘桴
葦間延緣漁子出舉網欲得松江鱸人間執熱知何限
紅塵白汗爭馳驅此圖此景那易得空明一片涵冰壺

南廬先生秉遠抱身在魏闕心江湖風雅直追何水部
仕途不羨漢金吾春暉堂中白日靜法書名畫供清娛
閒曠時存濠濮想蒼茫似展瀟湘圖耕煙已老少真蹟
毋使寒具輕沾汙能從細意出遠勢澄泓一碧如平鋪
安得置身圖畫裏恍離熱坂遊清都

贈吳興郡丞高朗照

少年試郡想風稜檠戟家聲奕葉仍初政風流看柳惲
重來賓佐得徐陵白蘋洲上瞻飛蓋紅藕香中聽采菱
莫道蓬萊仙最後從來山水說吳興見白樂天贈周湖州詩

揆總憲凱功輓詩

皎然玉樹見風神少小相於研席親幼學便精文選理

詩才肯讓建安人姬姜自昔誰留盼杯勺從來不入脣
久信生平斷三惑却疑消渴病何因

便殿同時對邇英予與凱功同日召試羨君瞬息到公卿護持氣

類憐文士屏絕苞苴答 聖明自厭紛華從雅好獨餘

溫厚本詩情千秋汗簡公評在誅行當無愧易名賜謚文端

百尺尋橦自古危彭殤同盡是前期功名終始寧非福

似續蕭條却可悲虛寢竟無燕姑夢繞堂祇欠衮師兒

錦囊詩卷誰收拾終望桓譚異代知

清詩誰向草堂吟人日偏傷掩玉琴聞以人捐館猶有高齋

舊賓客可憐水磨好園林水磨地名譚經久占劉瓛席瓛音桓

羈宦頻分鮑叔金白髮滄江餘二老謂夏重與余寢門哭罷

淚沾襟

贈徐觀卿太史

師門盛才俊濟美同荀陳五子竝擢第季也尤絕倫壯
歲入翰苑居官裁二旬遽厭承明廬歸卜湖山鄰三公
不挂眼萬卷常繞身箋疏窮抉擿吐詞必清新樽酒論
文字經史每紛綸藝苑久榛蕪得遇大春讀書過袁
豹摘華邁崔駟旁通三乘義次律悟前因仰觀指星躔
分野辨八垠羨君猶妙年講說極天人由此進不已安
能測涯津吾師愛名士天實鑒其誠晚適償所好產此
獨角麟昔者陳思王援筆如有神高譚古今際驚絕邯
鄲淳疲暮逢郎君恍與子建親歐陽門下士窮作隴畝

民君獨時見憶不嫌樸且真幸無笑老耄八十多諄諄

諄諄如八九
十者見左傳

東江詩鈔卷第十二



